

Vuk'uzenzele

**JOBS
INSIDE:**

Produced by Government Communications (GCIS)

English/Afrikaans

| Mei 2018 Uitgawe 2

Bridge brings relief for KZN learners



■ KZN MEC for Transport, Community Safety and Liaison Mxolisi Kaunda with local learners who now arrive on time for school.

GOVERNMENT is ensuring that children don't have to cross dangerous rivers to get to school.

Nomfundo Mcetywa

Facing crocodiles and possibly drowning while crossing UThukela Riv-

er to get to school is no longer a reality for learners in KwaDukuza and KwaMaphumulo. This after the KwaZulu-Natal Department of Transport built two bridges

which cross the UThukela River.

The Nyakana UThukela River Bridge, which cost R89.5 million to build serves the Mankenganeni community which is locat-

ed on the northern side of the river.


The bridge links the Um-lalazi and KwaDukuza local municipalities

● **Cont. page 2**



New App to bring faster service delivery

Page 4



Space weather service to benefit Africa

Page 9



ALSO AVAILABLE ON:



@VukuzenzeleNews

f Vuk'uzenzele

Websites: www.gcis.gov.za

www.vukuzenzele.gov.za

E-mail: vukuzenzele@gcis.gov.za

Tel: (+27) 12 473 0353

Free Copy

“Education is the most powerful weapon which you can use to change the world.”

Nelson Mandela

100 Nelson Mandela Centenary 2018 Be the Legacy

SA het 'n plig om die jeug op te voed

DIE REGERING kom sy belofte na om gratis hoër onderwys vir kwalifiserende studente te verseker.

More Matshedisio

Die Minister van Hoër Onderwys en Opleiding, Naledi Pandor, sê Suid-Afrika kan beurse bekostig vir kinders van arm- en werkersklasfamilies wat in 2018 by universiteite en kolleges vir tegniese en beroepsonderrig en -opleiding (TVET) wil studeer.

Minister Pandor sê dit is die land se plig om die armes en die kwesbaarste families te ondersteun.

Sy het die proses om gratis hoër onderwys in Suid-Afrika in werking te stel onlangs tydens 'n perskonferensie bekend gemaak.

Minister Pandor het verklaar dat die regering 'n bykomende R7.166 miljard belê het om beurse te finansier vir kinders van

arm- en werkersklasfamilies, wat vanjaar by universiteite en kolleges vir tegniese en beroepsonderrig en -opleiding (TVET) wil studeer.

Minister Pandor het bevestig dat R4,581 miljard opsy gesit is vir kwalifiserende universiteitstudente en R2,585 miljard vir TVET-kollegestudente.

In 2017 het die regering aangekondig dat hoër onderwys gratis sal wees vir arm studente en dié uit gesinne wat 'n bruto gekombineerde jaarlikse inkomste van tot R350 000 verdien.

Die studente word ondersteun deur 'n uitgebreide beurskema. Dit vervang vorige lenings en gedeeltelike beurskemas wat deur die Nasionale Studente Finansiële Hulpskema (NSFAS) aangebied word.

"Die basislyn-toekenning aan NSFAS ter ondersteuning van



■ Die Ajunkminister van Hoër Onderwys en Opleiding, Buti Manamela, saam met Minister Naledi Pandor en die Voorsitter van NSFAS, Sizwe Nxasana.

universiteit- en TVET-studente uit arm en werkersklasgesinne sal van R9,849 miljard in 2017/18 styg tot R35,321 miljard in 2020/21.

"Dit impliseer 'n behoefte aan verbeterde doeltreffendheid en stelselontwikkeling by NSFAS. Ons het dus 'n bykomende R105 miljoen toegeken oor die mediumtermyn-uitgaweraamwerk om NSFAS te help om sy administratiewe kapasiteit te verhoog en te versterk,"

het die Minister gesê.

Kwalifiserende studente in alle studiejare wat geregistreer is vir nasionale sertifikate (beroeps-) en Verslag 191-programme – by enige openbare TVET-kollege – sal beurse ontvang om hul klasgeld en studiemateriaal te dek.

Die toename in befondsing vir 2018/19 sal verseker dat 458 875 studente beurse ontvang.

Ongeveer 50 480 TVET-

kollege studente wat aan die vereistes vir reis, verblyf en maaltye voldoen, sal ook ondersteun word, terwyl nog 82 600 vir vervoertoelaes sal kwalifiseer.

Die Minister het gesê die nuwe befondsingstoelaag sal na verwagting ongeveer 83 200 van die 208 000 beskikbare plekke (40 persent) wat vir nuwe toetreders by universiteite in 2018 beskikbaar is, ondersteun. **V**

Binnelandse Sake verklaar oorlog teen toue

SUID-AFRIKANERS sal binnekort 'n vinniger en doeltreffender diens by Binnelandse Sake se kantore kan geniet.

More Matshedisio

Die Departement van Binnelandse Sake stel 'n aksieplan op om te verseker dat die publiek nie meer vir lang tye in toue hoef te staan nie.

Volgens die Minister van Binnelandse Sake, Malusi Gigaba, word die lang toue veroorsaak deur die groot aantal kliënte, onvoldoende voorkantoorruimte, leierskapkwessies en die feit dat sy kantore op Saterdag gesluit is.

Om die probleem reg te stel, ontleed die departement tans sy geografiese voetspoor om te bepaal op watter gebiede sy dienste verbeter kan word.

"Ons sal opdrag gee dat 'n opname gedoen word om klante-tevredenheid te bepaal, seker te maak dat die kontaksentrum optimaal funksioneer, 'n oplossing te vind vir die hantering van onverwagte inloopkliënte en onvoldoende voorkantoorruimte, die moontlikheid van 'n nuwe skofstelsel te ondersoek en aandag te gee

aan die onstabiele stelsel. Ons sal ook meer onaangekondigde besoeke deur senior bestuurders na ons kantore reël, werkvloei versnel en kommunikasie met kliënte verbeter," het die Minister bevestig.

“Ons is daartoe verbind om alles in ons vermoë te doen om die algehele oorlog teen lang toue te wen, ondanks strukturele beperkings en ander uitdagings.”

Hierdie aksieplanne sal as



■ Die Minister van Binnelandse Sake, Malusi Gigaba, sê sy departement sal 'n plan van aksie in werking stel om lang toue te verhoed.

kort-, medium- en langtermyn-tussenkomste in werking gestel word.

Die minister het verduidelik dat hierdie uitdagings nie deur kitsoplossings oorkom kan word nie en het 'n beroep op die gemeenskap gedoen om geduldig te wees terwyl die departement die verbeterings in werking stel.

"Ons is daartoe verbind om alles in ons vermoë te doen om die algehele oorlog teen lang toue te wen, ondanks strukturele be-

perkings en ander uitdagings," het Minister Gigaba gesê.

Voor die aankondiging van die aksieplanne het die departement opnames gemaak en 'n verslag opgestel om vas te stel wat die beste maniere is om die lang toue te bestuur en die departement se dienste te verbeter.

Die verslag het onstabiele stelsels, ondoeltreffende werkvloei-prosesse en ongekoördineerde kommunikasiestrategieë genoem wat tot ontevrede kliënte en lang toue lei.

Volgens die Minister vererger die volgende faktore die probleem verder:

- Swak bestuur in sommige kantore
- Ondoeltreffende gebruik van personeel
- Gebrek aan 'n afspraakstelsel
- Ondoeltreffende bestuur van toue
- Gelyktydige bestuur van hand- en outomatiese stelsels
- Ongelyke verspreiding van kantore ten opsigte van demografie
- Misleidende inligting oor wanneer die groen strepieskode-identiteitsdokumente gestaak sal word.
- Swak aanwysings by kantore. **V**

HETJGEWEET?

Sedert die inwerkingstelling van die slim ID-kaarte in 2013, het Binnelandse Sake se kantore meer as nege miljoen kaarte uitgereik.